

MSC-mik uppernarsaatit killiffii

SFG-mi ukioq 2024, nunatta kitaani raajarniarnermut uppernarsaatit pigiinnarnissaannut eqqortitsinermik misissueqqinnerit inaarsarneqarnerinik aallartitsiviuvoq. 2013-milu uppernarsaasiisarnernup pilersinneqarneraniilli aalisarnermik ingerlatsisut MSC-mut piumasaaqatitut misilitsinneq angusiffigaat. Tamannalu pissutaarpiarluni, SFG MSC-mit ingerlanneqartumut aningaasaateqarfimmut "re-certification assistance fund"ut aningaasanik qinnuteqarsinnaalerpoq. MSC-llu aningaasat 30.000 GBP akuersissutigai, taakkulu uppernarsaatinik piginniinnarnissamut misissiuinermi aningaasartuutit ilaannut matussusiissapput.

MSC-millu uppernarsaaserneqarnissap naam-massinissaanut nikingassutip ataatsip naam-massinissaa suli unammillernartoqarpoq, tassa immikkoortumi SFA1-mi nunatta Canadallu raajaqassutsimik avitsinissaannut ajornartorsiut. Taanna ukiut arlalissuit ajornartorsiutaasimavoq. Nikingassutaasup taassuma suliarinera 2025-mi naam-massineqassaaq, nunatsinnilu Canadamilu MSC-mut akuersissutit naleqqussarneqarlutik. Nikingassulli aaqinneqanngippat, uppernarsaatit taakku marluk atorunnaarsinneqassapput.



SFG 2024-mi juulimi lqalunni aalisarnermut tunngasunut nunatsinni Canadamilu allaffissornikut ingerlatsisut ataatsimeeqatigiinnerini peqatavoq. Nunarput Canadalu aalisarnerup tungaaitigut isumaqatigiisummik pilersitsissanersut maannamut suli ilisimaneqanngilaq, illuatungeriilli oqaloqatigiillutillu isumaqatigiinniarnerat suli ingerlavoq.

Nunattalu kitaani raajarniarnermut aqutsinissamut pilersaarutip 2025-mi misissoqqissaarneqarnerani, nikingassutaasunut ajornartorsiutip aaqinneqarsinnaanera ilimanarpoq, taanna Canadamiut SFA1-mut aqutsinissamut pilersaarutaata imarisaani aalajangersimasunut tunngasut ilaatinneqassappata.

Imaassinnaavorli ajornartorsiup aaqinneqarnissaanut piffissaliussaq 2026-mut kinguartinneqassasoq, taamanikkussamut aqutsinissamut pilersaarusiamik misissueqqissaarneq naammasisimassammat. Taamaattoqassappat MSC-mut allannguinnessamut qinnuteqaammik akuerineqartussamillu nassitsisoqassaaq.

SFG-p 2024-mi nunatsinni saarullinnik, saarulliusaanillu assigiinngitsunik marlunnik, tassa kulleramik aamma sejnik, nunatta Barentsip imartaani aalisarnissamut uppernasaatinik pigisaqarnerata ingerlaannarsinnaaneranik misissuinerit aallartippai. Suliaq taanna 2025-mi naam-massissaaq. Uppernarsaasiinermullu atatillugu aqutsiveqarfinni suleqatigiittoqannginnerata nassataanik nikingassutillu amerlinissaat pingitsoortinniarlugu, Nunatta Ruslandillu aalisarnermut isumaqatigiissutaat Ukrainimi sorsuttoqarnera pissutigalugu atorunnaarsinneqarallarnikummat, uppernarsaatip russit nunaannut tunngasortaata atorunnaarsinnissaa aalajangiunneqarpoq.

Taamaattumik uppersarsaat pineqartoq Barentsip imartaata Norgemut tunngasortaanuinnaq atuutissaaq. Suleqatigiinnerlu ingerlaqqilissagaluarpat, uppernarsaat russit imartaannut aamma atuuttunngorlugu annertusineqassaaq.

Qalerallit nipisaallu – Marine Beacon aamma BestLife 2030

Nunatta kitaani nipisanniarnermi aamma qaleralinniarnermi MSC-mik akuersissutit taakku marluk, 2024-mi sukumiisuunngikkaluamik misissoqqinneqarput. Nipisanniarnermullu tunngasut nikingassutaasullu tallimat suliarineqarneri tamarmik pissusissamissut ingerlapput. 2024-milu SFG-p aalisarnermi timmisanik pisarisoorneqartartunut tunngatillugu nunatsinni Pinngortitaleriffimmik suleqateqalernerata, nikingassutaasumik kingusinnerpaamik 2027-mi naammassininnissaq ilimanartippaa. Suliaq taanna "BestLife 2030-projekt"-imik taasaq, ukiunilu marlunni ingerlasussaq EU-miit 100.000 Euro-nik tapiiffigineqarpoq.



2024-mi novembarip naalernerani nunatta avataani qaleralinniarnermut MSC-mik akuersissut ukiumoortumik sukumiisuunngikkaluamik misissoqqinneqarpoq. Misissuinerup inerneru suli pisortatigoortumik nalunaarutigineqanngillat, nikingassutillu ataatsip, tassa avataani kilisalluni qaleralinniarnermi eqalussuit pisarisoorneqartarneranut tunngasup, suliarineqarnera pilersaarutit malillugit ingerlasoq naatsorsuutaavoq, piumasaqaatillu malillugit 2026-

mi naammassisussatut naatsorsuutigineqarluni.

Nikingassutillu aaqqinneqarnissaa anguniarlugu, qaleralinniarnermi qalut eqalussuarnik pisaqartuunnginnissaannut atortumik, qalorsuit qaleralinniutit rist-iannik, misileraanermut SFG-p DTU-aqua suleqatigilerpaa. Suliarlu taanna nunat tamalaat pisarinnittoornermut atatillugu suliniutaannut annertujaamut "Marine Beacon"-mut, EU-millu aningaasalersorneqartumut, ilaavoq. 2024-mi ukiakkut ukiukkullu immikkoortut rist-itallit angallammi "Sisimut"-ni naggataamik misilerarneqarput. 2025-illu naalernerani rist-mik misileraanerit angallammi ingerlanneqalerpata ilisimatusartumit peqataasoqassasoq, tamatumalu kingorna ilisimatusarneq tunngavialugu nalunaarusiorneq saqqummiunneqarluni.

MSC-mi malittarisassat nutaat

MSC 3.0, tassa MSC-malillugu alisarnermut malittarisassat nutaat, 2023-mi atuutilerpoq. Malittarisassalli taakku nutaat arlalissuarnit annertuumik isornartorsiorneqarput, ilaatigut aalisariaatsinut ataasiakkaanut nalilersuisartunit.

Isornartorsiuinerullu nassataanik malittarisassat MSC-mit nalilersuiffigeqqinneqarput, 2024-milu MSC 3.1 saqqummiunneqarluni. Immikkoortut ilaannilu malittarisassat sukateriffigineqarput. Minnerunngitsumik aalisarnerup pisarisuukkanut immallu naqqata pissusaanut sunniutigisartagaasa ilisimasaqarfigineri.



3.1-mut atatillu aalisariaatsit suli naliliiffigineqanngillat. Aalisarnermik ingerlatsinissamut uppernarsaammik peqareersut 2030-mi novembarip tungaanut ingerlatsiinnarsinnaapput. Nutaallu, siusinnerusukkut uppernarsaammik peqanngitsut, 3.1 2026-mi julimiit atulissavaat.

Nunat avannarliit suleqatigiinnerat

SFG 2024-mi suliamut tunngasunik ataatsimeeqatigiinnerit, suleqatigiiffimmik SufiNova-mik



taallugu 2023-mi pilersinneqartut, marluk peqataaffigai. Nordisk Ministerrådimit aningaasal-ersukkamik, immap naqqani uumasogatigiiaat aammalu tappiorannartut najugaannik nunani avannarlerni MSC-mik atuisut, nunanilu ataasiakkaani ilisimatusartut suleqatigiiffeqarput. Tamatumani immap naqqani uumasogatigiiaat najugaanni VME-ni il.il. MSC-mut malittarisassat atugaaneritut apeqqutit ajornartorsiutaasinnaasullu suleqatigiissutigineqarlutik. Taaneqareersutullu MSC-mut malittarisassat nutaat, uumasogatigiiffinnut assigiinngitsunut mianerisassanullu ilisimasaqarnermut piumasaqaatit sukannerupput.

Nunanit ataasiakkaanit ilisimatusartut ataatsimoortinnerisigut, immap naqqanik ilisimasat pi-oreersut ataatsimoortinneqarput, tamakkulu MSC-imi malittarisassani piumasaqaatinut naleqqussarneqarlutik. Ataatsimiinnerit taakku marluk Torshavimi Bergenimilu ingerlanneqarput. Ilisimalikkanut atatillugu naggataarutaasumik oqalugiarnert oqallitsitsinerillu Reykjavikimi 2025-mi ingerlanneqassapput.

Soqutigisaqaqatigiinnik suleqateqarneq

2024-mi SFG pisarnertut Aalisarnermut tunngasunut Oqartussanik, Pinngortitaleriffimmik nunatsinnilu suliniaqatigiiffinnik pitsaasumik suleqateqarpoq. MSC aamma misissuisarnerit kisii-sa eqqarsaatiginagit, aammali aqutsiveqarfiit il.il. assigiinngitsut suliarineritut tunngasutigut.

Ukiumi qaangiuttumi suleqatigisimasavut tamaasa qutsavigaavut.

Ukiornaami pilluaritsi.